

# BILTEN



Udruženje "Mladi muslimani" ♦ Godina V ♦ Broj 5 ♦ Besplatan primjerak

2013

## Naučni skup o "Sarajevskom procesu" i Aliji Izetbegoviću

Udruženje "Mladi muslimani" u suorganizaciji sa Muzejom "Alija Izetbegović 1925 – 2003." i istanbulskom Općinom Bağcılar organiziralo je dvodnevni Međunarodni naučni skup. Prvog dana 23.11.2013. održan je panel na temu "Sarajevski proces 1983. godine", a drugog dana, 24.11.2013., održan je panel na temu "Bosna i Hercegovine prije i poslije Alije Izetbegovića". Skup su pozdravnim govorima otvorili: Edhem Bakšić (predsjednik Udruženja "Mladi muslimani"), Adnan Žiško (direktor Muzeja "Alija Izetbegović 1925 – 2003"), Lokman Çağırıcı (načelnik istanbulske Općine Bağcılar), Sabina Berberović (kćerka rahmetli Alije Izetbegovića).



U prvoj sesiji panela "Sarajevski proces 1983." učešće su uzeli: prof. dr. Senadin Lavić (Fakultet političkih nauka Sarajevo), prof. dr. Zlatko Hasanbegović (Institut "Ivo Pilar" Zagreb), doc. dr. Admir Mulaosmanović (Institut za istoriju Sarajevo), mr. Rizvan Halilović (aktivista za ljudska prva i slobode), a sesijom je moderirao Anes Džunuzović (novinar i publicista). Učesnici druge sesije panela "Sarajevski proces 1983." bili su: prof. dr. Džemaludin Latić (žrtva procesa, Fakultet Islamskih nauka Sarajevo), Nermina Baljević (ključni svjedok u procesu, Bošnjačka gimnazija), Mustafa Spahić (žrtva procesa, imam, hatib i profesor u Gazi Husrev-begovoj medresi), Edhem Bičakčić (žrtva procesa, privatni poduzetnik), a sesijom je moderirao doc. dr. Admir Mulaosmanović (Institut za istoriju Sarajevo).

Drugi panel "Bosna i Hercegovine prije i poslije Alije Izetbegovića", održan u nedjelju 24. novembra, bio je podjeljen u tri sesije. U prvoj sesiji učešće su uzeli: prof. dr. Mehmet Çan (Internacionalni univerzitet u Sarajevu), Emir Hadžikadunić (bivši ambasador BiH u Iranu), prof. dr. Ismail Köse (Erciyes Univerzitet), Prof. dr. Necmettin Alkan (Karadeniz Technical Univerzitet),



a sesijom je moderirao prof. dr. Zeki Parlak (Marmara Univerzitet). U drugoj sesiji panela "Bosna i Hercegovine prije i poslije Alije Izetbegovića" izlagali su: Şükrü Tufan (Turski ambasador u BiH od 1993. do 1995. godine), prof. dr. Enes Pelidija (Filozofski fakultet u Sarajevu), Ismet Kasumagić (prijatelj Alije Izetbegovića, ekspert UN-a), Yavuz Çelik Karahan (Počasni predsjednik "Milli Görüş" Njemačka), Osman Atlay (IHH Istanbul), dr. Bahadır Islam (Grupa solidarnost BiH), a sesijom je moderirao Hüseyin Bürge (zamjenik ministraunutrašnjih poslova Republike Turske). U trećoj sesiji panela "Bosna i Hercegovine prije i poslije Alije Izetbegovića" učestvovali su: Prof. dr. Mensur Awad (Al-Quds Univerzitet), Hakan Albayrak (novinar), prof. dr. Numan Aruch (Makedonska akademija nauka), a sesijom je moderirao prof. dr. Süleyman Kiziltoprak (Mimar Sinan Univerzitet). ■







## Obilježavanje 9. januara – Dana genocida nad Bošnjacima

Udruženje “Mladi muslimani” drugu godinu za redom obilježava 9. januar kao Dan genocida nad Bošnjacima. Naime, 9. januara 1992. godine samozvana “Skupština srpskog naroda u BiH” proglasila je tzv. “Srpsku Republiku BiH” čime je u pogon pustila genocidnu politiku. Ove godine 9. januara Udruženje je organiziralo u Konjicu promociju knjige “Kulturocid na Drini” od prof. dr. Šemse Tucakovića. Suorganizator je bio Centar za kulturu Narodnog univerziteta Konjic. O samoj inicijativi obilježavanja 9. januara kao Dana genocida nad Bošnjacima na promociji je govorio Anes Džunuzović, sekretar Udruženja “Mladi muslimani”. O knjizi su govorili prof. dr. Ismet Dizdarević i sam autor prof. dr. Šemso Tucaković. ■



## U Bošnjačkom institutu promoviran zbornik “Bošnjaci i II svjetski rat...”

U sklopu manifestacije “Baščaršijske noći 2013.” u organizaciji JU “Sarajevo art” u Bošnjačkom institutu u Sarajevu 05.07.2013. promoviran je zbornik radova “Bošnjaci i Drugi svjetski rat – tokovi i posljedice”. O knjizi - zborniku radova, kojim su obuhvaćene neke od bitnih tema za cjelovitije razumijevanje uloge i pozicije Bošnjaka tokom Drugog svjetskog rata, te načina na koji su oni reagirali na različite dileme i izazove tog teškog perioda, govorili su autori određenih naučnih priloga i promotori - prof. dr. Adnan Jahić i doc. dr. Admir Mulaosmanović. ■

## Promocija knjige “LANET OLSUN...” u Tešnju

U organizaciji Biblioteke Općine Tešanj, 20.09.2013., organizirana je promocija knjige “LANET OLSUN-Zločin nad Bošnjacima istočne Bosne”. Promotori su bili publicista Avdo Huseinović i novinar Kemal Baković. Na promociji je govorio i autor Anes Džunuzović, a skupom je moderirao mr. Esmir Bašić, direktor Biblioteke. ■



## Tribina o popisu stanovništva u BiH

U sklopu redovnog godišnjeg okupljanja NVO u organizaciji Udruženja “Mladi muslimani” ove godine upriličena je 08.06. edukativna tribina o oktobarskom popisu stanovništva BiH. Uvodničar je bio prof. dr. Tarik Zaimović, predsjednik Upravnog odbora Fondacije “Popis 2013.” ■



## Predavanje o “Sarajevskom procesu 1983.”

U povodu tridesete godišnjice od čuvenog političko-sudski montiranog procesa protiv članova pokreta “Mladi muslimani” i bošnjačke uleme, u Konjicu je održano predavanje na ovu temu. Uvodničar je bio Edhem Bičakčić, jedan od uhapšenih i procesuiranih u tom procesu. ■







## Predavanje hfz. Kenana Musića i hfz. Sulejmana Bugarija



## Predavanje "Smak svijeta evo dolazi"

U Jablanici je 6.12. održano predavanje prof. dr. Šefika Kurdića na temu "Smak svijeta evo dolazi". Istovremeno je promovirana i knjiga istog naziva. Skup je moderirao Suljo Cikotić, glavni imam IZ u Jablanici. ■




## Dan Kudsa 2013.

Tradiciju obilježavanja "Dana Kudsa" Udruženje "Mladi muslimani" nastavilo je i 2013. godine. Ove godine "Dan Kudsa" obilježen je promocijom knjige "Poziv Božije ruke", autorice Grace Halsell, u prijevodu Indire Hadžić-Bogdanović, te izložbom fotografija "Palestina izbliza". O knjizi su govorili mr. Mehmedalija Hadžić, mr. Muhamed Mrahorović, te prevoditeljica knjige. Manifestacija je održana u Sarajevu, u prostorijama Udruženja zadnjeg petka u ramazanu. ■

U sklopu vjerskih predavanja u Sarajevu i Hadžićima održana su predavanja. U Sarajevu, u prostorijama Udruženja "Mladi muslimani" 15.11. predavanje je održao hfz. Kenan Musić na temu "Moderni u svom identitetu". U Hadžićima je 25.12. predavanje održao hfz. Sulejman Bugari. Uz naše Udruženje organizator ovih predavanja bilo je i Udruženje Taekwondo klub "Zlatni ljljan". ■

## Nove knjige u izdanju Udruženja "Mladi muslimani"

U 2013. godini Udruženje "Mladi muslimani" izdali je dvije knjige: "Poziv Božije ruke", autorice Grace Halsell, u prijevodu Indire Hadžić-Bogdanović, i knjigu dr. sci. Salima Hadžića "Teufik Velagić Tofa – Pismo iz zatvora". Za Udruženje poseban značaj ima knjiga posvećena starom članu Udruženja Teufiku Velagiću Tofi, jednom od prvih i najaktivnijih članova, koji je u procesu 1949. godine osuđen na 14 godina zatvora i koji je u zatvoru napisao pismo koje je osnova ove knjige. To pismo je ljubomorno čuvao sve do februara 2013. godine kada ga je ustupio dr. Salimu Hadžiću da na osnovu njega napiše knjigu. Nažalost, Tofa nije dočekao da knjiga bude odštampana, preselio je na ahiret 19. novembra neposredno pred izlazak knjige iz štampe. ■



## Donacije knjiga Medžlisima Banja Luka i Trebinje

Tokom 2013. godine Udruženje "Mladi muslimani" među svojim članovima provelo je akciju prikupljanja knjiga za biblioteku džamije Ferhadija u Banja Luci i za Medžlis IZ Trebinje. Za biblioteku džamije Ferhadija skupljene su 144 knjige (75 naslova), koje je muftiji banjalučkom Edhem ef. Čamdžiću prilikom posjete Banja Luci uručio sekretar Anes Džunuzović. Za Medžlis Iz Trebinje skupljena je 91 knjiga (46 naslova), a knjige je prilikom posjete Medžlisu uručio predsjednik Edhem Bakšić. ■







## Humanitarne aktivnosti

Udruženje "Mladi muslimani" i tokom 2013. godine realiziralo je nekoliko humanitarnih projekata sa organizacijom "Hasene" iz zemalja zapadne Evrope. Pred ramazan je podjeljeno 100 paketa sa hranom u Sarajevu, Trnovu i Visokom. tokom ramazana Udruženje je organiziralo tri iftara u Sarajevu, Jablanici i



Visokom. Za kurban bajram uz finansijsku pomoć organizacije "Hasene" podjeljeno je 400 kurbana, u Jablanici, Konjicu, Sarajevu, Kaknju, Trnovu. Udruženje je učestvovalo i u velikoj humanitarnoj akciji za Siriju pod nazivom "Jedan hljeb, jedan pokrivač za Siriju". ■



## ESAM 2013

Krajem maja 2013. godine, predsjednik Udruženja "Mladi muslimani" Edhem Bakšić prisustvovao je i aktivno učestvovao na konferenciji "Islamska Unija i Novi svijet" u organizaciji ESAM-a, Ekonomsko društvenog istraživačkog centra koji je formiran 1969. godine od strane nekadašnjeg premijera Republike Turske dr Nedžmetina Erbakana. ■



## VI Skupština Udruženja

U aprilu 2013. godine Udruženje "Mladi muslimani" održalo je VI Redovnu Skupštinu Udruženja. Skupština je za predsjednika Udruženja ponovo izabrala Edhema Bakšića, a za potpredsjednike Dženana Suljovića, Zejnila Durmu i Fikreta Fazlića. Za članove Upravnog odbora izabrani su: Šemsudin Halilović, Mustafa Berhamović, Enis Pinjo, Muhamed Alibegović i Abdulah Šljivo. Za predsjednika Nadzornog odbora izabran je Jasmin Kujraković, a članovi su: Edhem Bičakčić, Adnan Jahić, Hasan Eminović i Taib Babić. ■



## Koordinacija bošnjačkih NVO

Na inicijativu Udruženja "Prosvjetitelj" iz Srebrenice pokrenute su aktivnosti na stvaranju koordinacije bošnjačkih NVO. Prvi sastanak održan je u Srebrenici 27.04. U nastavku je koordinacija bošnjačkih NVO zaživjela do sada je imala niz značajnih aktivnosti, a trenutno u sklopu koordinacije djeluje više od 40 organizacija iz cijele BiH. ■

## Sjećanja

Tokom 2013. godine nekoliko dugogodišnjih starih članova Udruženja preselilo je na ahiret. Na ahiret su preselili: dr. Tarik Muftić, Teufik Velagić Tofa, Muhamed Čadordžić, Abdurahman Hadžiomerović. ■



Teufik Velagić



Tarik Muftić

## Značajne posjete

Tokom 2013. godine Udruženje "Mladi muslimani" posjetio je predsjednik organizacije "Hasene" Mesud Gulbahar. Posjeta je bila 24.04. u prostorijama Udruženja. Udruženje su posjetili i predstavnici Hikmet Vakufa i organizacije Senaber 26.04.2013. godine. ■

Izdavač: Udruženje "Mladi muslimani"  
Za izdavača: Edhem Bakšić,  
predsjednik Udruženja  
Urednik: Anes Džunuzović,  
sekretar Udruženja

Adresa: Sarači 77, Sarajevo  
Tel.: +387 33 271 740  
Fax.: +387 33 271 741  
E-mail: mmuslim@bih.net.ba  
www.mm.co.ba

Transakcijski račun: BBI d.d. Sarajevo -  
1410010010091269

